



SEKTOR ZA MATERIJALNE POSLOVE I PODRŠKU

Broj: 05-05/01-11-1088/23

Datum: 12.01.2024.godine

Na osnovu člana 64. stav 1. tačka b., člana 70. stav 1, 3. i 6. Zakona o javnim nabavkama („Sl. glasnik BiH“, broj 39/14 i 59/22), člana 24. Zakona o unutrašnjim poslovima Unsko-sanskog kantona („Službeni glasnik USK - a“, broj 13/16, 16/17), a na Preporuku o izboru najpovoljnijeg ponuđača Komisije za javnu nabavku broj: 05-01/01-11-1088/23 od 11.01.2024.godine, u postupku javne nabavke radova rekonstrukcije WC-a u zgradi MUP-a USK-a, Ministar Ministarstva unutrašnjih poslova Unsko-sanskog kantona **d o n o s i**

**ODLUKU
o izboru najpovoljnijeg ponuđača**

Prihvata se Preporuka o izboru najpovoljnijeg ponuđača Komisije za javne nabavke broj: 05-01/01-11-1088/23 od 11.01.2024.godine, za javnu nabavku radova rekonstrukcije WC-a u zgradi MUP-a USK-a. Ugovor se dodjeljuje ponuđaču „GRADNJA FINAL“ d.o.o. Varoška Rijeka bb. Bužim. Ponuđač je dostavio ponudu na iznos 34.964,38 KM bez uračunatog poreza na dodanu vrijednost prije provođenja E aukcije. Nakon provođenja postupka E aukcije ponuđač je ponudio konačnu cijenu u iznosu 24.000,00 KM bez uračunatog poreza na dodanu vrijednost.

Ponuđač je u obavezi dostaviti novi Obrazac za cijenu ponude ANEKS 3 u kojem će navesti cijene za svaku stavku, nakon provedene E aukcije, koji će biti sastavni dio ugovora

Član 2.

Izabrani ponuđač će dostaviti dokumenta iz člana 45. Zakona o javnim nabavkama BiH („Službeni glasnik BiH“ broj 39/14) u roku 5 dana od dana prijema Odluke o izboru najpovoljnijeg ponuđača.

Član 3.

Prijedlog ugovora o nabavci dostavit će se na potpis izabranom ponuđaču „GRADNJA FINAL“ d.o.o. Varoška Rijeka bb. Bužim, po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova Odluka će se objaviti na web stranici mupuski@mupusk.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-05/01-11-1088/23 od 27.10.2023.godine. Javna nabavka je provedena putem otvorenog postupka uz provođenje E aukcije. Procijenjena vrijednost javne nabavke bez uračunatog PDV-a je do 35.000,00 KM.

Obavještenje o nabavci broj: 709-1-2-138-3-15/23 objavljeno je na Portalu javnih nabavki dana 10.11.2023. godine, sažetak Obavještenja o nabavci objavljen je u „Službenom glasniku BiH“, broj 79 od 17.11.2023.g., ispravka Obavještenje o nabavci broj: 709-1-2-138-8-20/23 objavljena je na Portalu javnih nabavki dana 15.12.2023. godine, sažetak ispravke Obavještenja o nabavci objavljena je u „Službenom glasniku BiH“, broj 1 od 05.01.2024.godine.

Komisija za javnu nabavku imenovana je Rješenjem broj: 05-01-11-1158/23 od 09.10.2023.godine. Krajnji rok za prijem ponuda bio je 08.01.2024.godine do 12,00 sati.

Komisija za javne nabavke dostavila je dana 11.01.2024.godine Zapisnik sa otvaranja ponuda broj: 05-01/01-11-1088/23, Zapisnik o ocjeni ponuda broj: 05-01/01-11-1088/23 od 08.01.2024. godine, Nastavak zapisnika nakon provedene E aukcije, Izvještaj o toku i završetku E-Aukcije od 11.01.2024.godine i Preporuku o izboru najpovoljnijeg ponuđača broj: 05-01/01-11-1088/23 od 11.01.2024.godine, u postupku javne nabavke radova rekonstrukcije WC-a u zgradi MUP-a USK-a.

Komisija je dana 08.01.2024.godine u 12:05 sati u Bihaću preuzela iz Pisarnice MUP-a pristigle ponude i istog dana u 13:00 sati u Bihaću izvršila otvaranje ponuda.

U postupku po Zapisniku sa otvaranja ponuda, utvrđeno je da je Komisija za javnu nabavku u roku, blagovremeno i pravilno izvršila otvaranje blagovremeno pristiglih ponuda, o čemu je sačinila odgovarajući Zapisnik u kojem je konstatovala da su dostavljene 2 (dvije) ponude i završila sa radom u 13:35 sati.

Istog dana Komisija je izvršila kvalifikacije ponuđača, ispunjenja zahtjeva u pogledu opisa predmeta nabavke i tehničkih specifikacija i Zapisnikom o ocjeni ponuda broj: 05-01/01-11-1088/23 od 08.01.2023. godine utvrdila slijedeće:

PODACI O PRISTIGLIM PONUDAMA

- da je ukupan broj pristiglih ponuda 2;
- da su blagovremeno zaprimljene 2 ponude;
- da je neblagovremeno zaprimljeno 0 ponuda;
- da su ponude ponuđača: „FINAL GRADNJA“ d.o.o. Bužim, i „GTO“ d.o.o. Bihać, prihvatljive;
- da je nema neprihvatljivih ponuda.

Komisija je završila sa radom kvalifikacije ponuda i utvrdila da obje zaprimljene ponude iz tabelarnog prikaza prihvatljive.

R.br.	Naziv/ime ponuđača	Ponuđena cijena bez PDV-a
1.	FINAL GRADNJA d.o.o. Bužim	34.964,38 KM
2.	GTO d.o.o. Bihać	34.825,85 KM

Komisija je završila sa radom u 14:45 sati

ZAKAZIVANJE E- AUKCIJE

E aukcija je bila zakazana **11.01.2024.godine** sa početkom u **09:05 sati**. Kriterij za ocjenjivanje ponude je najniža cijena.

Komisija nastavlja sa radom nakon provedene E-aukcije dana 11.01.2024.godine u 10:00 sati.

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI

R.broj	Naziv/ime ponuđača	Početna cijena ponuda u KM bez PDV-a
1.	GTO d.o.o. Bihać	34.825,85 KM
2.	FINAL GRADNJA d.o.o. Bužim	34.964,38 KM

KONAČNA RANG LISTA PONUĐAČA NAKON PROVEDENE E-AUKCIJE

R.broj	Naziv/ime ponuđača	Konačna cijena ponuda u KM bez PDV-a
1.	FINAL GRADNJA d.o.o. Bužim	24.000,00 KM
2.	GTO d.o.o. Bihać	24.425,85 KM

Nakon provedene E-aukcije Komisija za javne nabavke Ministarstva unutrašnjih poslova Unsko-sanskog kantona Bihać konstatuje da je najpovoljnija ponuda ponuđača "FINAL GRADNJA" d.o.o. Bužim sa cijenom bez PDV-a **24.000,00 KM**, a sa obračunatim PDV-om koji iznosi 4.080,00 KM, da ponuda izabranog ponuđača sa uračunatim PDV-om ukupno iznosi **28.080,00 KM**, te predlaže njegov izbor.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz Tenderske dokumentacije. U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama BiH ("Službeni glasnik BiH" broj: 39/14 i 59/22), člana 24. Zakona o unutrašnjim poslovima Unsko-sanskog kantona ("Službeni glasnik USK" broj: 13/16 i 16/17), odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije 10 (deset) dana od dana prijema ove Odluke.


Dostaviti:

- Ponuđaču: „FINAL GRADNJA“ d.o.o. Vareška Rijeke bb. 77245 Bužim;
- Ponuđaču: „GTO“ d.o.o. Grabeška broj 2, 77000 Bihać
- Ministru
- IKT-za objavu na WEB stranici MUP-a
- a/a

Ministar

Adnan Habibija



Obrađivač: Asifa Kržalić 
502. Viteške brigade br.2, 77000 Bihać, BiH, Tel: +387/37/ 24 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba

